

**Nukissiorfiit/sanatitsisut aamma sanaartortitsisut akornanni inatsisinik atuinikkut  
 isumaqatigiinnngissutit illoqarfimmut nunaqarfimmulluunniit  
 isumaqatigiinnngissuteqarfiusunit pilersorneqartunut agguataarinninnerit  
 naatsorsuutinit peerneqarnissaat, taarsiullugulu nuna tamakkerlugu atuisunut tamanut  
 nammaqatigigiinneq atorlugu agguataarneqartarnissaat siunertaralugu akinut  
 aalajangersakkanik aaqqissuussinerup maannakkut atuuttup nutarterneranut  
 atatillugu maleruagassat atuuttut allanngortinnissaannik Naalakkersuisut  
 peqquneqarnissaannik Inatsisartut aalajangiiffigisassaattut siunnersuut  
 (*Inatsisartunut ilaasortaq Naaja Nathanielsen, Inuit Ataqtigiit*)**

**pillugu**

**Sanaartornermut Avatangiisinullu ataatsimiititaliap**

**ISUMALIUTISSIISUTAA.**

**Siunnersuutip aappassaaneernejarneranut saqqummiunneqartoq.**

Ataatsimiititaliap suliaqarnerani ilaasortat uku kingullermik peqataapput:

Inatsisartunut ilaasortaq, Juliane Henningsen, Inuit Ataqtigiit, siulittaasoq  
 Inatsisartunut ilaasortaq Andreas Uldum, Demokraatit, siulittaasup tullia  
 Inatsisartunut ilaasortaq Storm Ludvigsen, Inuit Ataqtigiit  
 Inatsisartunut ilaasortaq Knud Fleischer, Kattusseqatigiit Partiiat  
 Inatsisartunut ilaasortaq Malik Berthelsen, Siumut  
 Inatsisartunut ilaasortaq Anders Olsen, Siumut  
 Inatsisartunut ilaasortaq Per Berthelsen, Siumut

Ulloq 24. oktober 2012-mi UKA 2012-p ingerlanerani siullermeerneqareermat  
 Ataatsimiititaliap siunnersuut misissorpaa.

**Siunnersuutip imaa aamma siunertaa**

Nukissiorfiit/sanaartortitsisup aamma sanatitsisut akornanni inatsisinik atuinikkut  
 isumaqatigiinnngissutit najukkani ataasiakkaani atuisunut akissaajaatinik amerlanerusunik  
 kinguneqannginnissaat siunnersuuteqartup siunnersuutimigut kissaatigaa. Siunnersuuteqartoq  
 siunnersuuteqarpoq, inatsisinik atuinikkut isumaqatigiinnngissutit najukkamut  
 isumaqatigiinnngissuteqarfiusumit pilersorneqartumut agguataarinninnerit naatsorsuutinit

peerneqassasut, taarsiullugulu nuna tamakkerlugu atuisunut tamanut nammaqatigiinneq atorlugu agguataarneqartassasut.

### **Siunnersuutip Inatsisartuni siullermeerneqarnera**

**Naalakkersuisut** isumaqarput, siunnersuut manna akeqartitseriaasissap nutaap oqallisigineqarnerani pingaaruteqartumik immersueqataasoq, siunnersuullu akeqartitseriaasissamik nutaamik suliaqarnermi ilanngutissasoq piumassuseqarlutik. Naalakkersuisulli isumaqarput, inatsisitigut atuinikkut isumaqatigiinngissutinut aningaasartuutit agguataarinninnermik naatsorsuutinit peerneqarnissaannik inaarutaasumik aalajangiinnginnermi, aaqquissuussinissatut siunnersuutigineqartup naleqquttuunera siullermik erseqqissaatigineqarnissaa pingaaruteqartoq. Tamanna tunngavigalugu Naalakkersuisut ima allannguutissattut siunnersuummik saqqummiussipput:

*”Nukissiorfiit/sanatitsisut aamma sanaartortitsisut akornanni inatsisinik atuinikkut isumaqatigiinngissutinut aningaasartuutit illoqarfimmut nunaqarfimmulluunniit immikkoortortamit isumaqatigiinngissuteqarfiusumit pilersorneqartumut agguataarinnermut naatsorsuutinit peerneqarnissaat, tamatumunngalu taarsiullugu nuna tamakkerlugu atuisunut tamaginnut nammaqatigiinneq atorlugu agguataarneqartarnissaat naleqquttuunersoq, maannakkut akeqartitseriaatsip atuuttup nutarterneqarneranut atatillugu nalilersuinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.”*

Siunnersuummut siunertarineqartut partiit akornanni ataatsimut isigalugu tapersorsorneqarput. **Inuit Ataqtigiit, Kattusseqtigiit Partiiata aamma Siumup** siunnersuut ilumisut isikkoqartillugu tapersorsorpaat, malittarisassat atuuttut allanngortinneqarnissaat kissaatigigamikku, taamaalillutik Nukissiorfiit/sanaartortitsisup aamma sanatitsisut akornanni inatsisinik atuinikkut isumaqatigiinngissutinut aningaasartuutit nuna tamakkerlugu atuisunut tamanut nammaqatigiinneq atorlugu agguataarneqartassallutik. Tamatuma saniatigut Siumut isumaqarpoq, pineqartoq pillugu malittarisassat allanngortinneqassasut, taamaalillutik erngup nukinga atorlugu innaallagissiorfinnik sanaartornermi sanaartornermut aningaasartuutit agguataarilluni naatsorsuutinit peerneqassasut, atuisunullu tamanut nammaqatigiinneq atorlugu agguataarneqartassasut. **Demokraatit** isumaqarput, siunnersuutip kingunissai annertunerusumik erseqqissarneqassasut, tamannalu tunngavigalugu Naalakkersuisut allannguutissatut siunnersuutaat tapersorsorlugu.

Aamma siullermeerinermi partiit oqaaseqaataat oqaatigineqartullu Ataatsimiititaliap innersuussutigai.

### **Siunnersuut pillugu Ataatsimiititaliamit siuliaqarneq**

Aallaqqaasiullugu Ataatsimiititaliamit oqaatigineqassaaq, paasisinnaallugu ataatsimut isigalugu innaallagissamut, imermut kiassarnermullu atigititanut nutaanut

aaqqissuussinissamik siunnersuuteqarnissaq naleqqunnerpaajusoq.

### **Naalakkersuisumik apersuineq**

Siunnersuummik suliaqarnerminut atatillugu ataatsimiititaliap Ineqarnermut, Attaveqarnermut Angallannermullu Naalakkersuisoq apersorpaa. Aggeqqusissutip aammalu Naalakkersuisup oqaasiisa allattorsimaffiata assilineqarnerat isumaliutissiissummut matumunnga **ilanngussaq 1-itut** ilanngunneqarput.

Inatsisinut tunngatillugu aaqqiagiinngissutinut aningaasartutit sumiiffinnut ataasiakkaanut, immikkoortortamit aaqqiagiinngissutigineqartumit pilersorneqartumut, pinnagit sumiiffinnut tamanut agguarneqarnissaanni pitsaaqutit ajoqutissallu pillugit Naalakkersuisut ima allapput:

### **”Allannguinermi iluaqutissartaasut (allannguinerup imm. 20-mi nassuiarneqartutut ingerlanneqarnerani):**

- *Sumiiffinni ataasiakkaani akit atorlugit inatsisinut tunngatillugu aaqqiagiinnginnernut aningaasartuutitut sunniutissanut killiliissaaq*
- *Sumiiffinni allani – inatsisinut tunngatillugu aaqqiagiinnginnerup kingunerisaanik – akit qaffannissaannut killiliissaaq, aningaasartuutit atuisunut amerlasuunut agguarneqartartussaammata.*
- *Akeqartitseriaatsimut allannguutissaavoq nalinginnaasoq naammaginartooq.*

### **Allannguinermi ajoqutissartaasut:**

- *Siunnersuut killeqartuinnarmik sunniuteqassaaq. Inatsisinut tunngatillugu aaqqiagiinngittarnerit – qujanartumik – ikittuinnaasarput.*
- *Akit annerpaaffissaanni atuisartut akinut qaffasissunut illersorneqareerput. Tassalu pissutsit ullumikkutut itsillugit tamanna sumiiffiit amerlanerpaartaannut sunniuteqassanngilaq. Allaammi Narsami Qaqortumilu isumaqatigiissitsiniarnermi suliap ingerlanneqarneranut aningaasartuutit peerneqaraluarpataluunniit, 2012-imi innaallagissamut akit taamaallaat killeqartorujussuarmik apparnerinik tamanna kinguneqartussaavoq. 2012-imi akit qaffaataasa sinneri allanik peqquteqarput.*
- *Akeqartitseriaatsimi atuuttumi tunngaviusunik uniuineruvoq, tamannalu pissutaalluni akeqartitseriaatsimik ersarlunnerulersitsissalluni.*
- *Allannguinermi immikkoortitsiniarnermi ajornartorsiutit arlallit pilersinneqassapput, soorlu: Suliaq qaqugukkut inatsisinik tunngaveqarluni aaqqiagiinngiffiussava? Inatsisit avaqqullugit isumaqatigiinneq sunaana? Qanormi teknikkimut inatsisinillu misissuineranut aningaasartuutit, suliamik eqqartuussivitsigoortitsinissamik eqqarsaateqarnermut atatillugu akilerneqartut pineqartassappat?”*

Pitsaaqutit ajoqutillu allassimasut ataatsimiititaliamit oqaluuserineqarput.

Siunnersuutip matuma suliffeqarnermi illuatungiusunik isumaqatigiinniarnermut Naalakkersuisunit ilanngunniarneqalersaartoq ilanngussaq 1-imi Naalakkersuisut aamma allapput.

Taamaattorli Ataatsimiititaliaq isumaqarpoq, inatsisinik atuinikkut isumaqatigiinngissutinut aningaasartuutit atuisunut tamanut nammaqatigiinneq atorlugu agguataarneqassanersut pillugu apeqquut naggataatigut Inatsisartunut saqqummiussassanngorlugu naalakkersuinikkut aalajangigassaasoq. Inatsisinut tunngatillugu aaqqiagiinngissutinut aningaasartutit taaneqartut ima immikkuullaritsigisutut ataatsimiititaliamit isigineqarput; immikkoortortaqaarfiit ataasiakkaat naatsorsuutaannit peerlugit nunatsinni atuisunut tamanut nammaqatigiilluni agguaanneqartariaqartut. Tamatumunnga atatillugu allatut aaqqiinissamut tunngavilersuutaasinnaangitsut ataatsimiititaliaq isumaqarpoq. Tamanna tunngavigalugu Naalakkersuisut allannguutissatut siunnersuutaat ataatsimiititaliamit taperserineqarsinnaangilaq.

Naggataatigut Ataatsimiititaliap oqaatigissavaa, inatsisinik atuinikkut isumaqatigiinngissutinut aningaasartuutit atuisunut tamanut nammaqatigiinneq atorlugu agguataarneqassanersut inatsisissatut siunnersuummi uani taamaallaat sammineqarmata. Taamaalilluni Ataatsimiititaliap siunissami innaallagissamut, imermut kiassarnermullu siunissami akeqartitseriaasissap qanoq ilusilersorneqarnissaa isumaliutissiisummi isummerfiginngilaa.

### **Siunnersuutip aningaatigut kingunerisassai**

Inatsisartut Suleriaasianni § 33, imm. 1-imi takuneqarsinnaavoq, aaljangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqassasut.

Ataatsimiititaliap maluginiarpaa, tamanna naapertorlugu siunnersuutip piviusunngortinnissaani aningaasatigut kingunerisassat siunnersuummi taaneqarsimasut. Tamatumunnga atatillugu Ataatsimiititaliap oqaatigissavaa, Naalakkersuisut allannguutissatut siunnersuutaata aningaasatigut kinguneqarnissaa naatsorsuutigineqanngimmat, akeqartitseriaatsimik aaqquissuussinermik sulinerup ingerlaqqinneqarani siunnersuut ilaatinniarneqarmat, taamaalillunilu aningaasaliissutaareersutut killiussat iluanni ingerlanneqarsinnaalluni.

### **Ataatsimiititaliap inassutai**

**Ataatsimiititaliap isumaqatigiittup aaljangiiffigisassatut siunnersuut akuerineqassasoq inassutigaa.**

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.




Juliane Henningsen,  
Siulittaasoq



Per Berthelsen



Andreas Uldum




Malik Berthelsen



Storm Ludvigsen



Anders Olsen



Knud Fleischer



Andreas Uldum, Inatsisartuni ilaasortaq  
Siulittaasup tullia  
Sanaartornermut Avatangiisinullu Ataatsimiititaliaq  
/-Maani

ILANNGUSSAQ 1

**Ulloq 14. november 2012 nal. 10.00 Sanaartornermut Avatangiisinullu  
ataatsimiititaliamik isumasioqateqarnissamut aggersaanermut akissutit**

14-11-2012  
Sags nr. 2012-076850  
Dok. nr. 1066362

Matuma kinguliani Sanaartornermut Avatangiisinullu Ataatsimiititaliap ukiakkut  
ataatsimiinnermi imm. 20 pillugu aggersaaneranut atatillugu apeqqutitut  
nassiusaannut akissutit allanneqarput.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

**Apeqquut 1**

*Allannguutissatut siunnersuut saqqummiunneqartoq pillugu tunngavilersuutiminut  
Naalakkersuisunut ilaasortaq itisileeqquneqarpoq. Tamatumanilu Ataatsimiititaliap  
paaserusuppaa, inatsisinik atuinikkut isumaqatigiinngissutitut aningaasartuutit  
najukkami isumaqatigiinngissuteqarfiusumi pilersorneqartunut agguataarinani,  
taarsiullugulu nunami innuttaasunut tamanut agguataarneqarneqarnissaannut suut  
iluaqutaaratarsinnaanersut suullu ajoqutaaratarsinnaanersut Naalakkersuisunit  
isumaqarfigineqarnersut.*

**AKISSUT**

Aallarniutigalugu erseqqissaatigineqassaaq, imm. 20-mi siunertaasut Naalakkersuisunit  
isumaqatigineqarmata. Akeqartitseriaasissatut siunnersuutip suliffeqarnermi  
suleqataasunut oqaloqatiginninnermut ilaatinneqarnissaat Naalakkersuisut  
allannguutissanut siunnersuutitut saqqummiussaannut tunuliaqutaavoq.  
Aalajangiiffigisassatut siunnersuut saqqummiunneqartoq akeqartitseriaasissap  
oqallisigineqarnerani iliuuseqarnissamut killiliisussaavoq.

Isumaqatiginninniarnert paarnaarsimasutut ingerlanneqannginnissaat Naalakkersuisut  
pingaartippaat, kisiannili akeqartitseriaasissap immikkoortui tamarmik  
qilersorsimangitsumik suliffeqarnermi suleqataasunut oqallisigineqarsinnaasariaqarput.

Tamatuma tulliatut inatsisilerineri sulianut aningaasartuutit sumiiffinnut ataasiakkaanut  
– ullumikkutut – imaluunniit sumiiffinnut tamanut agguarneqartarneri sunik  
iluaqutissartaqarnersut ajoqutissartaqarnersullu ilisimatitsissutigineqarnissasoq  
kissaatigineqarpoq.

**Allannguineri iluaqutissartaasut (allannguinerup imm. 20-mi nassuiarneqartutut  
ingerlanneqarnerani):**

- Sumiiffinni ataasiakkaani akit atorlugit inatsisinut tunngatillugu  
aaqqaigiinnginnernut aningaasartuutitut sunniutissanut killiliisaaq

- Sumiiffinni allani – inatsisinut tunngatillugu aaqqiagiinnginnerup kingunerisaanik – akit qaffannissaannut killiliissaaq, aningaasartuutit atuisunut amerlasuunut agguarneqartartussaammata.
- Akeqartitseriaatsimut allannguutissaavoq nalinginnaasoq naammaginarqoq.

#### **Allannguinermi ajoqutissartaasut:**

- Siunnersuut killeqartuinnarmik sunniuteqassaaq. Inatsisinut tunngatillugu aaqqiagiinngittarnerit – qujanartumik – ikittuinnaasarpur.
- Akit annerpaaffissaanni atuisartut akinut qaffasissunut illersorneqareerput. Tassalu pissutsit ullumikkutut itsillugit tamanna sumiiffiit amerlanerpaartaannut sunniuteqassanngilaq. Allaammi Narsami Qaqortumilu isumaqatigiissitsiniarnermi suliap ingerlanneqarneranut aningaasartuutit peerneqaraluarpataluunniit, 2012-imi innaallagissamut akit taamaallaat killeqartorujussuarmik apparnerinik tamanna kinguneqartussaavoq. 2012-imi akit qaffaataasa sinneri allanik peqquteqarput.
- Akeqartitseriaatsimi atuuttumi tunngaviusunik uniuneruvoq, tamannalu pissutaalluni akeqartitseriaatsimik ersarlunnerulersitsissalluni.
- Allannguinermi immikkoortitsiniarnermi ajornartorsiutit arlallit pilersinneqassapput, soorlu: Suliaq qaqugukkut inatsisinik tunngaveqarluni aaqqiagiinngiffiussava? Inatsisit avaqqullugit isumaqatigiinneq sunaana? Qanormi teknikkimut inatsisinillu misissuinermut aningaasartuutit, suliamik eqqartuussivitsigoortitsinissamik eqqarsaateqarnermut atatillugu akilerneqartut pineqartassappat?

#### **Apeqqut 2**

*Naalakkersuisut akissuteqaataat aamma allannguutissatut siunnersuut saqqummiunneqartoq ima paasineqassappat, siunnersuut taaneqartoq illuatungeriit pingasut suleqatigiit sulisut sinniisuinik isumaqatigiinniarnernut Naalakkersuisunit ilaattinniarneqartutut eqqarsaatigineqartoq?*

#### **AKISSUT**

Aap, apeqqut 1-imut akissummi allassimasutut.

#### **Apeqqut 3:**

*Akeqartitseriaatsimik suliaqarnerup killiffia paaserusunneqarpoq, paaserusunneqarportaaq maanna akeqartitseriaatsimut allannguutit suut aallartinniarneqarnerisut.*

#### **AKISSUT**

Suleqataasut pingasuusut akornanni oqallinnermi maannamut pingaarnertut akileraartarnerup allanngortinneqarnissaa siunnerfigineqarsimavoq. AI 2013 akuersissutigineqariapat, akeqartitseriaasissaq pillugu suliffeqarnermi suleqataasut oqaloqatigineqarnerisa Aningaasaqarnermut Naalakkersuisoqarfik suleqatigalugu aallarteqqinneqarnissaat naatsorsuutigineqarpoq. Akeqartitseriaasissamut siunnersuutip ineqarnerup, isumaginninnerup akileraartarnerullu aaqjissuuteqqinneqarnerinut atatinneqarnissaa pingaaruteqarpoq.

Maannakkut akeqartitseriaasiusumut allannguutissat suut aallartinniarneqarnerisut pillugu apeqqummut tunngatillugu. Akeqartitseriaasissami suliffeqarnermi suleqataasut oqaloqatigineqarnissaat utaqqineqarpoq. Akeqartitseriaasissap suliarineqarnerata

ingerlaqqinnerani aalajangiiffigisassatut siunnersuutit, 2012-imi upernaakkut ataatsimiinnermi tunuartinneqartut aallaavigineqarput, kisiannili Naalakkersuisut oqallinnissamut ammapput.

#### **Apeqqut 4**

*Siunnersuutit Sanaartornermut Avatangiisinullu ataatsimiititaliamik aamma Aningaasaqarnermut Akileraartarnermullu ataatsimiititaliamik inaallagissamut, imermut kiassarnermullu akeqartitseriaatsimik allannguinnissaq pillugu paasissutissiinertalimmik ataatsimeeqateqarnermi, siunnessami akeqartitseriaaseq qanoq isikkoqarsinnaanersoq pillugu Naalakkersuisunut ilaasortaq periaatsinik assigiinngitsunik saqqummiinikuuvoq. Siunnersuutit taakku arlaat sorleq Naalakkersuisut iluaqutaanerpaasutut isumaqarfigaat?*

#### **AKISSUT**

Akeqartitseriaasissamut nutaamut siunnersuuteqarnissaq oqimaaqatigiissunik aallaaveqartariaqartoq Naalakkersuisut isumaqarput. Nukissiuuteqarnermut akit oqallisigineqaleraangata, akit aningaasartuutiviusunik tunngaveqartinneqassanersut imaluunniit assigiimmik akeqartitsineq utertinneqassanersoq akulikippallaamik oqallisigineqartarpoq. Naalakkersuisut isumaat malillugu aaqqiissutissaq killiffinni taakkunaniinngilaq.

AMU-mi ataatsimiititaliap 18. januar 2012-imi ataatsimiinnerani tunngavissat assigiinngitsut tallimat oqaluuserineqarput. Aalajangiiffigisassatut siunnersuut tunngavissaq 5-imut assingunnerpaavoq, taassumalu imarai:

- Illoqarfinni 1.500-t sinnerlugit innuttaqartuni aningaasartuutiviusut tunngavigalugit akeqartitsinissaq, taamaattorli akit minnerpaaffilerneqarlutik.
- Illoqarfinni nunaqarfinnilu 1.500-t inorlugit innuttaqartuni innaallagissamut imermullu akinik assigiinnik aalajangersaasoqassaaq, taakkuli qaffakkiartortinneqassapput.
- Aalisakkerivinnut akigititaasut allanngortinneqassanngillat.

Kisiannili aalajangiiffigisassatut siunnersuut tunngavissaq 5-imut naleqqiulluni arlalinnik allannguuteqarpoq. Ilaatigut,

- Aalisakkerivinnut innaallagissamut imermullu akikillisaatit appartinneqarnissaat siunnersuutigineqarpoq.
- Illoqarfinnut nunaqarfinnullu 1.500-t inorlugit innuttaqartunut akit assigiit akit annerpaaffilerlugit allanngortinneqassaaq, taamaalillunilu najukkani aningaasartuutiviusut tunngavigalugit akit, akit annerpaaffiannit appasinneruppata taakku akilernerqartassapput.
- Ungasianiit kiassarnermut akit appartinneqarnissaat siunnersuutigineqarpoq, taamaalillunilu pisortat kiassarnermik pilersuinerat kiassaatinut uuliatortunut unammillersinnaassuseqarnerulissaaq.

Inussiarnersumik inuulluaqqusillunga

Jens B. Frederiksen